

76. **Daemonorops longispathus** Becc. sp. n.—Caudices vaginati 3-4 cent. diam.; vaginae annulis membranosis destitutae, spinis magnis laminaribus solitariis vel basi confluentibus et per series \pm transversas \pm interruptas ordinatis armatae; frondium segmenta latiuscula aequidistantia; spadices magni diffusi; spathae cinnamomeae tenuiter coriaceae vel subchartaceae fragiles undique indumento furfuraceo-rubiginoso obtectae, exterior rigida elongato-lanceolata fere plana in dorso carinis 2 valde acutis et spinulosis percursa, post anthesin una cum interioribus minoribus nudis nec carinatis decidua; flores δ in spicis disticis laxiusculi, erecto-patuli.

Borneo (Beccari P. B. Nos. 2193, 3697).

77. **Daemonorops ruptilis** Becc.—*Calamus ruptilis* H. Wendl. (nomen nudum in Herb. Kew.)—Robustus; caudicis vaginae ad faucem spinis laminaribus erectis horridae, quarum nonnullis longissimis et latissimis (usque ad 25 cent. long. et 5 mill. lat.); frondium segmenta ensiformia usque ad 60 cent. longa et 3 cent. lata, in apicem filamentosum et setoso-spinulosum sensim attenuata, costa media supra acuta et nuda, subtus superficialis et prope apicem paucis setis longis praedita, nervis secundariis utrinque tenuibus et nudis, marginibus tantum prope apicem spinulosis; spadix robustus, ramis brevibus crassis et ad insertionem subcalloso-tumescens, inferioribus divisis, superioribus in spicam elongatam abeuntibus, spathis secundariis et spathellis amplis exsucco-membranaceis castaneis dilaceratis; fructibus in spica 2-4-seriatis oblongis (immaturis) in rostrum attenuatis et stigmatibus magnis crassis reflexis coronatis.—Species insignis *D. longispatho* affinis.

Borneo (Low in Herb. Kew).